



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Divi Bambergenses S. Henricvs Imperator S. Kvnegvndis
Imperatrix S. Otho Episcopvs**

Gretser, Jacob

Ingolstadii, 1611

XVI. De primitiis operum eius in Episcopio Herbipolensi & Babebergensi.

urn:nbn:de:hbz:466:1-41527

Quapropter de commissa sibi cura sollicitus, Ecclesiasticæ utilitati diebus inuigilabat ac noctibus, dans operam quomodo bona Ecclesiæ suæ vel auget inuenta, vel restauraret amissa. *Vigilantia eius pro suo grege.*
 Cum itaque ad dilatandam Christi gloriam tota eius flagraret intentio, quædam cœnobîa à fundamentis construxit, quædam verò prius tenuiter inchoata, sed per eum Ecclesiæ Babebergenh digno precio acquisita, largo sumptu perfecit.

De primitiis operum eius in Episcopio Herbipolensi & Babebergenh.

CAPVT XVI.

Primitiæ quidem Operum eius, duorum fuit structura Cœnobiorum in Episcopio Herbipolensi quorum alterum *Vraugia* dicitur, sub patrocinio beati Laurentij: alterum verò *Vra*, in honorem Beati Petri Apostoli. His autem honesta & eleganti fabrica compositis, sicut omnibus Cœnobîis suis faciebat, prædia emere, sylvas & agros, & prata comparare, vel aliis iustis modis acquirere satagebat. Ipsa verò nominare & enumerare vniuersa, ne longus aut fastidiosus fiam, omitto.

Deinde in Babebergenh Episcopio tertia & quarta ædificatio duorum Cœnobiorum fuit; quorum vnum Michelvelt dicitur in honorem S. Ioannis Euangelistæ: alterum, Lankheim in honore Beatissimæ Virginis *MARIÆ* de Ordine Cisterciensi. Nam illa tria de ordine fecit Cluniacensi: sed Michelvelt & *Vraugia* in patrimoniali fundo Ecclesiæ:

Lankheim verò & *Vra* in aduentitio locata sunt.

